

UPRAVNI ODBOR

Broj: 08-04-4-543-3/25
Goražde, 27.03.2025.godine

Na osnovu člana 103. Zakona o zdravstvenom osiguranju FBiH ("Službene novine FBiH", broj: 30/97, 7/02, 70/08, 48/11, 36/18 i 61/22), člana 19. Statuta Zavoda zdravstvenog osiguranja Bosansko-podrinjskog kantona Goražde ("Službene novine BPK-a Goražde", broj: 6/16), Upravni odbor Kantonalnog zavoda zdravstvenog osiguranja Goražde na 9 (devetoj) redovnoj sjednici, održanoj 27.03.2025. godine, donosi sljedeći:

ZAKLJUČAK

1. Odobravaju se refundacije bezglutenskog brašna za osobe oboljele od glutenske enteropatije (celijakije) sa područja Bosansko-podrinjskog kantona Goražde. Navedeno pravo mogu ostvariti osigurana lica Zavoda zdravstvenog osiguranja Bosansko-podrinjskog kantona Goražde, koja su registrovana kod JU Zavod za javno zdravstvo BPK-a Goražde kao osobe kojima je potvrđena celijakija (K90.0 morbus coeliacus).
2. Pravo iz tačke 1. ovog zaključka mogu ostvariti osigurane osobe koje se nalaze na spisku osoba oboljelih od celijakije, a koji je dostavljen Zavodu zdravstvenog osiguranja od strane JU Zavod za javno zdravstvo BPK-a Goražde. U slučaju nastanka bilo kakve promjene na dostavljenom spisku (smanjenje ili povećanje broja osoba oboljelih od celijakije), Zavod za javno zdravstvo BPK-a Goražde se obavezuje da isto dostavi prema Zavodu zdravstvenog osiguranja u što kraćem vremenskom periodu.
3. Osnovni preduslov da se odobri refundacija bezglutenskog brašna na teret sredstava obaveznog zdravstvenog osiguranja jeste patohistološka dijagnoza oboljenja (biopsija tankog crijeva), izuzev u slučaju djece do 18 godina gdje nije neophodna biopsija, dovoljan je nalaz kojim je utvrđena dijagnoza celijakije od strane nadležnog ljekara zaposlenog u ustanovi sa kojom Zavod ima zaključen ugovor. Shodno navedenom, da bi ostvarili navedeno pravo osigurana lica iz člana 1. ovog Zaključka uz zahtjev za refundaciju troškova moraju dostaviti original fiskalni račun izdat od strane apoteke „9.Maj“Goražde, medicinsku dokumentaciju, kopiju zdravstvene legitimacije i potvrdu banke.
4. Lica iz tačke 1. ovog Zaključka ostvaruju pravo na refundaciju u iznosu do maksimalno 100,00 KM na mjesečnom nivo, s tim da bi se tačan iznos utvrđivao na osnovu dostavljenog zahtjeva za refundaciju.
5. Zadužuju se sekretari Komisije za prava osiguranika i kontrolu lijekova, Sektor za trezor i računovodstvo te Sektor za ekonomsko-finansijske poslove plan i analizu, da prate količinu odobrenih finansijskih sredstava za ovu namjenu tj. neophodno je da jedno osigurano lice ne ostvari u jednom mjesecu iznos veći od utvrđenog.

6. Za realizaciju Zaključka zadužuje se Sektor za trezor i računovodstvo Zavoda zdravstvenog osiguranja Bosansko-podrinjskog kantona Goražde, da iznose odobrenih – refundiranih sredstava knjiži na teret stavke – Ostali zahtjevi po Odlukama Upravnog odbora – ekonomski kod 614 259.

7. Zaključak stupa na snagu danom donošenja, primjenjivat će se počevši od 01.04.2025.godine a važi do 31.12.2025.godine.

PREDSJEDNIK UPRAVNOG ODBORA

Enver Ratković

Dostavljeno:

- Zavodu za javno zdravstvo BPK-a Goražde
- Komisiji za prava osiguranika i kontrolu lijekova BPK-a Goražde
- Sektoru za trezor i računovodstvo
- Sektoru za ekonomsko-finansijske poslove plan i analizu
- Sektoru za provođenje osiguranja, pravne i opšte poslove
- a/a